



МЕСЯЦА СЕНТЯБРЯ В 3-й ДЕНЬ

**Святаго священномученика Анфима,
епископа Никомидийскаго.
И преподобнаго отца нашего Феоктиста,
спостника великаго Евфимия**

ВЕЧЕР

На Господи, возвах: стихиры на 6, глас 1.



Подобен: Прехвальнии мученицы:

Вогомудре блаженне, / очервлёнными своею кровё /
священную твою и божественную одёжду уяснил
еси, / от силы бо благочестно в силу / и от славы
в славу прешёл еси. / И ныне молися / даровати
душам нашим // мир и велию милость.

Жертву первее Богу принося Безкровную, / яко свя-
щенник законнейший, / яко всеплодие и приятну
жертву / тебе самаго кровию / яко мученик истинней-
ший / послежде Христу принёсл еси, / богоглаголиве
всечестне. // Егоже моли о поющих тя.

Мучеников воинства / Христу, отче, привёл еси, /
учении твоими, Анфиме, и наказании, / уча и нака-
зую / и яве образ, богомудре, тебе самаго предлагаю. /
С нимиже молися / даровати душам нашим // мир и
велию милость.

Ины стихиры преподобнаго, глас и подобен тойже:

Отче Феоктисте, / твоя светлая память / монахов
соборы веселит / добротами твоего жития / и чудес бла-
годатями, / и дарований светлостями. / Христа моли да-
ровати душам нашим // мир и велию милость.

Отче Феоктисте, / твоего терпеливаго воздержан-
ния / демони ужасошася / и упразднися твоими

непрестáнными молíтвами, всехвáльне:/ Христá бо поспéшствующа стяжáл есí./ Егóже нýне моли/ даровáти душáм нáшим// мир и вéлию мíлость.

Óтче Феоктíсте,/ Бóжие здáние был есí;/ éже по образу бо сохранив,/ íстинствуя житиём,/ и честнáго твоегó óбразá/ звáние показáл есí, всечýдне./ Христá моли даровáти душáм нáшим// мир и вéлию мíлость.

Слáва, глас 6, самоглáсен:

Свящéнный закóннейший,/ дáже до кончíны твоея был есí,/ блажéнно Анфíме,/ священнодéйствуя бо Божéственная и неизглагóланная Тáинства,/ кровь излиял есí за Христá Бóга/ и жéртву благоприятну себе привёл есí./ Тем, дерзновéние имéя к Немý,/ прилэжно молися/ о вéрою и любóвию совершáющих твою пречестнýю пáмять/ и почитáющим сию// избáвиться напáстей и всýких бед и обсто́яний.

И нýне, Богорóдичен или́ Крестобогорóдичен, глас тóйже.

Подóбен: Т риднёвен:

Предсто́ящи Дрэву иногдá,/ во врéмя распýтия Дéва,/ и с дéвственником ученикóм/ плáчущи, вопияше:/ увы́ Мне, кáко страждeши,// всех, Христé, сый Безстрáстие?

На стихóвне Окто́иха.

Слáва, преподóбнаго, глас 6:

Преподóбне óтче,/ во всю зéмлю изы́де вещáние исправлéний твоих./ Тёмже на Небесéх обрёл есí мзду трудов твоих./ Дéмонская разорил есí пóлчища/ и áнгельския достíгл есí чíны,/ íхже житию́ непорóчно поревновáл есí./ Дерзновéние имéя ко Христý Бóгу,// мир испросí душáм нáшим.

И нýне, Богорóдичен или́ Крестобогорóдичен, глас тóйже.

Подóбен: Т риднёвен:

Вíдящи Тя распина́ема, Христé,/ Тебé Рóждшая вопияше:/ что стрáнное, éже вíжду, тáинство, Сýне Мой?/ Кáко на Дрэве умира́eши,/ плóтию повéшен,// жíзни Подáтелю?

Тропáрь, глас 4:

И нра́вом причáстник,/ и престо́лом наместник
апо́столом быв,/ дея́ние обрёл еси́, богодухно-
вённе,/ в видéния восход:/ сего́ ра́ди, сло́во йстины
исправляя,/ и ве́ры ра́ди пострадал еси́ да́же до
кро́ве,/ священномучениче Анфи́ме,/ моли́ Христа́ Бо́га
спасти́ся душáм нáшим.

Слáва, преподóбнаго, глас 8:

Слез тво́их течéньми пусты́ни беспло́дное возделал
еси́/ и йже из глубинь́ въздыхáньми во сто трудов
уплодоноси́л еси́/ и был еси́ свети́льник вселённей,/
сия́я чудесы́, Феокти́сте, о́тче наш, // моли́ Христа́ Бо́га
спасти́ся душáм нáшим.

И ны́не, Богорóдичен или́ Крестобогорóдичен.

НА УТРЕНИ

Канóн Окто́иха ед́ин и святых́ два.

Канóн священномученика, егóже краегранёсие:

Цвет тя пою́ па́стырей и мучеников. Глас 8.

Песнь 1

Ирмо́с: *По́йм Го́сподеви,/ проведшему́ лю́ди Сво́я
сквозé Чермнóе мо́ре, // я́ко Ед́ин сла́вно просла́вися.*

Двоплетён благочёстия архиерейства и страдания
приём венёц,/ от Христа́ убожа́ешися, пресла́вне.

Тебе́, Первопа́стырю,/ священнодейственник Твой,
я́ко незло́биво и ч́сто а́гня,/ беззакóнных рука́ми
приведёся.

Разори́л еси́, иерáрше, еретико́в твёржы,/ благочесты́-
вым дерзнове́нием,/ проповéдав Трби́цу несозда́нную.

Богорóдичен: Пречы́стая Богорóдице,/ Я́же вопло-
щённое Присносу́щное и Пребоже́ственное Сло́во па́че
естества́ рóждши,/ поём Тя.

**Ин канóн преподóбнаго, глас то́йже. Егóже краегра-
нёсие:** Тво́я подвиги, о Феокти́сте, сказую́. **Феофа́ново.**

Песнь 1

Ирмо́с: *Посéченный несекóмаго пресечé,/ и ви́де
со́лнце зéмлю, ю́же не ви́де:/ лю́таго врага́ вода́ потопи́,/ и
непроход́имое прóйде Изра́иль./ Песнь же воспевá-
шеся:// Го́сподеви по́йм, сла́вно бо просла́вися.*

Безстрастія желаніем срѣчемь, плоти възграна, отче, увядил еси, / Феоктісте мудре, Богом помогаемь. / И ныне нам света мысленнаго исполнитися / помолися Господу, поющим: славно бо прославися.

Прилепился тебе великий Евфимий Божественною, отче, любовию, / и, спребывая, Феоктісте, крепко, / стезю воздержания пройде детельне истинно / и тебе совзываше: / Господу поим, славно бо прославися.

Подтеснил еси тело, преблаженне, / и страсти плотскія, отче, поработив, Феоктісте, / яко приял еси светлость благодати / и, сею просветився, божественне зывал еси: / Господу поим, славно бо прославися.

Богородичен: Ты спасения надежду имуще, Дево Мати Божия, / Слово яко рождшую, богоразумно премудрии в воздержании просияша, / Евфимий, любезный всем, и божественный Феоктіст, / Господу зовуще: славно бо прославися.

Песнь 3

Ирмос: Ты еси Утверждение / притекающих к Тебе, Господи, / Ты еси Свет омраченных, // и поет Ты дух мой.

Явился еси священномученик, / священнодействуя первее, преподобне, Избавителю: / потом же яко жертву себе самаго священнодействовал еси.

Был еси не наемник, но вернейший пастырь, преподобне, / твою кровь проливая, боголюбезне, за стадо твоё.

Изрядне упасл еси Владыки твоего стадо, архиерее, / тем на месте злачне вселился еси.

Богородичен: Дажь нам помощь мольбами Твоими, Пречистая, / прилоги отреваючи лютых обстояний.

Ин

Ирмос: Ты еси Утверждение / притекающих к Тебе, Господи, / Ты еси Свет омраченных, // и поет Ты дух мой.

Плоть убо умертвил еси твою воздержанием, преподобне, / душу же Божественных благодатей дарованьми просветил еси.

Все убо желание ко Владыце твоему обратил еси, / яростию же на демоны, богоносе, вооружился еси.

Богородичен: Пения воспевающе, богонаученнии, Владычице, / Ты постницы, яко Бога рождшую, / Богородицу прославиша.

Конда́к преподо́бному́ченика Феокти́ста, глас 4:

В по́стницах присовокупився вели́кому Евфимию,/ в по́двизех я́ко А́нгел на землі яви́ся,/ очища́я, преподо́бне, сердца́ ве́рных/ Божество́нными зна́меньми повсегда́, // сего́ ра́ди любóвию, Феокти́сте, ты почита́ем.

Седáлен Анфíма, глас 1.

Подóбен: Лик а́нгельский:

Крoвь тво́я, му́дре, та́йно вопия́ше от землі к Бо́гу, я́ко А́велева, богому́дре:/ я́ве бо пропове́дал еси́ Трoицу Несозда́нную./ Те́мже, Анфíме, па́стырски просия́в,/ отгна́л еси́ ересей зvéри, я́ко храните́ль ве́ры.

Сла́ва, преподо́бнаго, глас 4.

Подóбен: Яви́лся еси́ днесь:

Отце́в нача́льник наре́клся еси́ и ми́ру был еси́ пресвётлое свети́ло,/ преподо́бне о́тче Феокти́сте./ Тем непреста́нно чтим па́мьять твою́.

И ны́не, Богоро́дичен:

Пречи́стыя ру́ки Тво́я, Де́во Ма́ти, просте́рши,/ покрый упова́ющия на Тя и Сы́ну Твоему́ зову́щия:/ всем пода́ждь, Христе́, ми́лости Тво́я.

Крестобогоро́дичен:

На Дре́ве ви́дящи воздви́жена Сы́на Твоего́, Пре́чи́стая/ утробо́ю Ма́тернею растерза́ема, жа́лостно вопия́ла еси́:/ увы́ Мне, ка́ко заше́л еси́,/ Све́те Мой Безле́тный?

Песнь 4

Ирмо́с: Услы́шах, Го́споди,/ смотре́ния Твоего́ та́инства,/ разумéх дела́ Тво́я// и просла́вих Твоё Божество́.

Волко́в собори́ща а́гнцы творя́ слóвом, блаже́нне,/ умертви́лся еси́ те́лом,/ дух же пре́дал еси́ Го́споду.

Я́ко благово́нная и всечестна́я,/ Всецарю́ приятна́ же́ртва тво́я,/ и принося́щаго в богому́дрии,/ и приноша́емаго пребеззако́нными рука́ми.

Пома́зался еси́ у́бо, преподо́бне,/ священни́ческою ма́стию пер́вее,/ соверши́лся же еси́ второ́е страда́льческою твоёю, о́тче, кро́вию.

Богородичен: Очищение нам даруй неведений, яко Безгрешен,/ и умири мир Твой, Бóже,/ молитвами Рóждшия Тя.

Ин

Ирмос: Всел еси на кони, апóстолы Твоя, Гóсподи,/ и приял еси рукама Твоима узды их,/ и спасение бысть еждение Твое верно поющим:// слава силе Твоей, Гóсподи.

Премудрости первыя ты рачитель явился еси, премудре;/ житие бо непорочно пожил еси,/ очищен изрядне душею и мыслию, согласно взывая:/ слава силе Твоей, Гóсподи.

Очистив ум твой от страстных молвь, славне,/ и чувства мудре управив,/ к немутней тишине, óтче, устремился еси, усердно воспевая:/ слава силе Твоей, Гóсподи.

Земных печали воздержательно оттряс,/ Небесных надежды стяжа Твой угóдник, Владыко,/ божественный Феоктист со Евфимием, поя:/ слава силе Твоей, Гóсподи.

Богородичен: Яко явился еси в мире от Девы, яко Человек,/ даровал еси победу преподобным Твоим:/ Твоим бо Крестом демоны сии прогнаша,/ верою зовуще: слава силе Твоей, Гóсподи.

Песнь 5

Ирмос: Утренююще вопием Ти:/ Гóсподи, спаси ны,/ Ты бо еси Бог наш,// разве Тебе иного не ве́мы.

Безкровну Жертву принёсл еси Гóсподу,/ самаго же себе кровию плодопринёсл еси, Анфиме.

Дух ты Божественный просвети, иерарше;/ тем преславную торжествуем память твою.

Божественный убо твой язык искапа спасение,/ ток же крове твоей духовное радование.

Богородичен: Утиши непостоянную бурю страстей моих,/ Бóга Рóждшая Кóрмчию и Гóспода.

Ин

Ирмос: Просвети нас повелении Твоими, Гóсподи,/ и мышцею Твоею высокою/ Твой мир подаждь нам,// Человеколюбче.

Умертвї наша мудрванїя, Человеколѡбче,/ и плотская взыгранїя/ благоприятными преподѡбнаго Твоего молїтвами.

Свѣше нас назираеши, всеблаженне,/ и управляеши житїе наше,/ совершающих любовь, мудре, память твою.

Богородичен: Сообитательная двоїца,/ преизрядная и богозванная,/ воплощеннаго из Дѣвы Чїстыя/ Бѡга проповѣдует, неизреченно нам возсиявшаго.

Песнь 6

Ирмос: *Рїзу мне подаждь свѣтлу,/ одейся свѣтом, яко рїзою, // многомилостиве Христѣ Бѡже наш.*

Крестїл еси водою люди и Святѣм Дѣхом,/ якоже крестїлся еси,/ крестїлся же еси и твоєю, ѡтче, кровїю.

Яко розга Лозы жїзненныя,/ избран и чѣстен,/ множайший израстїл еси Владыце твоему плод, всеблаженне.

Не престай, моленїя творя ко Христѣ, блаженне,/ о стаде твоѣм/ и кровь предложив молебную.

Богородичен: **Х**рам Тя Бѡжїй, и кивѡт,/ и чертог одушевлен,/ и дверь Небесную,/ Богородице, вернии, возвещаем.

Ин

Ирмос: *Молїтву пролию ко Гѡсподу/ и Тому возвещу печали моя,/ яко зол душа моя исполнися/ и живот мой аду приблизися,/ и молюся, яко Ибна:// от тли, Бѡже, возведи мя.*

Яко солнце, сущим на землї возсиял еси,/ свѣтом благочестїя просвещая/ и добродетелей разсевая сияние,/ и целомудрия уча свѣтлости, Феоктїсте,/ твоими молїтвами и ныне вселенную умирї.

Богомудрым помыслом ублажився,/ яже на землї преобидел еси вся,/ и Небесное, преблаженне ѡтче, наследїе, всемудре,/ предразсудил еси, Феоктїсте,/ и ныне яве на Небесех живѣши, радуяся.

Богородичен: **П**ривлекѡстеся добрѡтою любве Христѡвы, благолѣпныя и Божественныя,/ плѡтию явльшагося в мїре от Святѣя Чїстыя Богоматере,/ и явїстеся монахов известнаго житїя прописанїя.

Кондак священномученика Анфима, глас 4.

Подобен: Вознесѣйся:

Во священницех благочестно пожив/ и мучения
путь скончав,/ идольская угасил еси служения,
поборник быв твоему стаду, богомудре./ Темже ты
и почитает ныне, тайно вопиюще:/ от бед избави нас//
твоими молитвами, приснопамятне Анфиме.

Икос:

Подав мне знание Божественное,/ мрак неведения
от моего сердца отжені молитвами твоими,/ яко да пою
твою верно святую память,/ в нейже ангельстии лица
с мученическими днесъ веселятся Божественно/ и чело-
вѣцы пѣсньми похвальными твою главу, якоже цветы
сплѣтше, венчают достойно,/ просяще от тебе прияти
согрешений оставление/ и злых жития решение,/
врагов же видимых избавитися и невидимых/ твоими
молитвами, отче наш Анфиме.

Песнь 7

Ирмос: *От Иудѣи дошедше отроцы/ в Вавилоне
иногда,/ верою Троицескою пламень пещный по-
праша, поюще:// отцев Боже, благословен еси.*

Яко добрая и яко тучная жертва твоя явися, пре-
блаженне Анфиме:/ Самому бо Владыце кровию при-
неслся еси,/ приносѣй Безкровная,/ отцев, вопия,
Боже, благословен еси.

Пасѣйся и упас,/ отобоюду, отче, богатство собрал
еси,/ и, сие снабдев, соблюл еси печатию страдания,/ поя
Христу: отцев наших Боже, благословен еси.

В верных церкви Триипостасное Естество богосло-
вил еси/ и, пред сею, богоносе, неправедных судом
убиваемъ,/ пел еси: отцев наших Боже, благословен еси.

Богородичен: *От девственного чрева воплощся
явился еси на спасение наше./ Темже, Твою Матерь
ведуще Богородицу,/ благодарно зываем: отцев на-
ших Боже, благословен еси.*

Ин

Ирмос: *Отроцы еврейстии в пещи/ попраша пламень
дерзновенно/ и на росу огонь преложѣша, вопиюще://
благословен еси, Господи Боже, во веки.*

Всем желáнием прилепíвся воздержáнием твёрдым твоёмú Влады́це,/ Того́ ны́не пита́ешься сия́нии, зовы́й:/ благословén еси́, Гóсподи Бóже, во вéки.

Плод божéствен Влады́це принéсл еси́ житиé твоé, треблажénне,/ и жéртву приятну и непорóчну, зовы́й:/ благословén еси́, Гóсподи Бóже, во вéки.

Конец болéзней обрёл еси́, óтче, наслаждéние éже в рай,/ от тéснаго бо путí достíгл еси́ к прострáнству Цáрствия, всемúдре,/ благословя́ Христа во вéки.

Богорóдичен: Се Дéва Божéственное Отрочá породí,/ Егóже ны́не богонóснии познáвше Бóга и Гóспода, вопия́ху:/ благословén еси́, Гóсподи Бóже, во вéки.

Песнь 8

Ирмос: Царя́ Небéснаго,/ Егóже пою́т вои́ а́нгельстии, // хвалíte и превозносите во вся вéки.

Священномúченика благослáвнаго в пáмяти,/ вёрнии, веселíteся, вопию́ще:/ Тя превозно́сим, Христé, во вéки.

Иерáрха мúченическим зря́ще благолéпно укра́шена венцём,/ Гóспода поём и превозно́сим во вéки.

Трóицы угóдника/ и кровь То́я ра́ди излия́вшаго почтíм,/ Гóспода пою́ще и превозно́сяще во вся вéки.

Богорóдичен: Свещáтельну Тя и златозáрну/ вселíвыйся в Тя Свет Непрестúпный, Дéво,/ показá свещу́ во вся вéки.

Ин

Ирмос: Седмери́цею пещь/ халдéйский мучíteль/ богочестíвым неистовно разжжé,/ сíлою же лúчшею спасéны сия́ вíдев,/ Творцú и Избáвителю вопия́ше:/ óтроцы, благословíte,/ священницы, воспóйте, // лúдие, превозносите во вся вéки.

С похвала́ми бывáет, богонóсе, пáмять тво́я:/ прáвды бо явíлся еси́ пита́тель,/ мúжества, мúдрости и цело́мúдрия, óтче мúдре,/ Содéтелю и Избáвителю взывáя:/ дéти, благословíte, священницы, воспóйте,/ лúдие, превозносите во вся вéки.

Богонóснаго вси благохвалéньми почтíм,/ я́ко исполнена я́ве благодáти/ и Божéственными сия́ньми просвещéна изрядне,/ Содéтелю и Избáвителю вопию́ща:/

дѣти, благословіте, священницы, воспойте,/ людіе, превозносите во вся вѣки.

Во гробѣ тѣло твоѣ святитель погребѣ/ и благодѣшнѣя свѣтлый тезоименит:/ дѣшу же Ангели на Небеса при- несѡша,/ Содѣтелю радостно песнопѡюще:/ дѣти, благо- словите, священницы, воспойте,/ людіе, превозносите во вся вѣки.

Богородичен: Любомѣдрствовати вожделѣвше, Мѣдрости желаніем Ипостасныя, постницы богомѣдріи,/ мѣру, Всенепорѡчная, явльшиися, Отроковѣце, из Тебѣ/ и боголѣпно добродѣтели насадѣвшіися,/ Юже дѣти благословят, священницы поют,/ людіе превоз- нѡсят во вся вѣки.

Песнь 9

Ирмос: Проявленное на горѣ законоположнику во огнѣ и купинѣ/ Рождество Приснодѣвы/ в наше, вѣрных, спасеніе, // пѣснями немѡлчными величаѣм.

Ты ѡбо овцам пастырь вѣрен показался еси,/ Пастырю же овчѣ привелся еси на жѣртву/ и сугубу приял еси славу:/ тем ты чествѡюще ублажаѣм.

Ты начертанія воздержаніем, преблаженне,/ благо- чѣстїя шары* себѣ вообразив,/ истинно по Божію образу дѣшу твою показал еси, блаженне.

Твоя преданія, ѡтче, невредна соблюдающе/ и стра- даніе чествѡюще,/ благочѣстно Трѡицу во Едѣном Божествѣ Естествѣ/ пѣснями непрестанно блажим.

Богородичен: Противляющихся, Христѣ, Твоѣй Цѣркви/ мѣшцы сокруши Богородицы ради/ и вѣр- ныя людіе Твоя утверди, да Ты непрестанно величаѣм.

Ин

Ирмос: Ужасѣся о сем Небо,/ и земли удивѣшася концы,/ яко Бог явѣся человеком плѡтски/ и чрево Твоѣ бысть пространныѣе Небес./ Тем Ты, Богородицу, // Ангелов и человек чиновачалїя величают.

Струями твоих слез очѣстився,/ ныне Свѣта наслаж- даѣшися, Феоктѣсте, Трисїяннаго,/ Тому предстоя явѣ и отонѣдными изряднейше просвещен лучами,/ свѣше назираѣши нас, твою пѣмѣть совершающих, всеблаженне.

* Шары — краски, цветѣ.

Любовию и надежду вооружився и верно огражден,/ разорил еси хитрости и коварства вражия/ и, победитель быв, ныне венценосец живещи/ с Божественными лики Ангел и преподобных окрест Престола Всецаря.

Целомудренно и праведно и благочестиво на земли с человеки поживше,/ на Небесех сияете, богомудрии постницы, со безплотных чинми,/ Зарю питаящуюся Богоначальною,/ от Неяже и подвигов праведно венцы, яко победоносцы, приясте.

Богородичен: Божественная и богомудрая и священная двоице отцев пресветлая,/ вашими мольбами миру мир от Бога низпослаться просите/ и Церквам истинно единоумие и веру,/ молитвами благоприятными Богородицы, преблаженнии.

Светилен.

Подобен: Учеником:

Лик приведи днесь летный весь, Никомидийский, радуясь, граде,/ добраго пастыря твоего, и възграй, назирателя имей, соблюдающая тя,/ вреда враг вьпша.

Богородичен: Со апостолы моли, Богородице, Твоего Сына и Господа/ помилуватися всем поющим Тя, и славящим,/ и во иконах Тя чествующим, и покланяющимся достойно,/ и любовию обლობызьющим.

На стиховне Октоиха.

Слава, глас 4. Самогласен. Ефрема Карийскаго:

Никомидийскому великограду/ всяк град и страна спразднует днесь/ в память честнаго его гражданина,/ ибо концы земнии плещут,/ веселящися нынешним торжеством священномученика./ Сему и мы, песньми, яко цветы, венцы сплетше, возопим:/ радуйся, пастырю добрый, иже душу положиый за овцы,/ жертва и жрец, иерей и овча./ Тебе молимся:/ с пострадавшими с тобою Христа, Анфиме, моли/ стадо твое сие от иноплеменных волков избавити// и Небесныя ограды с тобою сподобитися.

И ныне, Богородичен или Крестобогородичен.

Подобен: Яко добля:

Распинаема Христа Человеколюбца/ видящи Пречистая/ и ребра ископаема копием,/ плачущи, вопияше: что сие, Сыне Мой?/ Что Тебе неблагоприятии людие

воздаша/ за яже сотвори́л еси́ добрая им,/ и тщи́шия
 безча́дствовати Мя, Вселюбѣзнейший?/ Удивляюся,
 Благоутрѣбне,// Твоему́ во́льному распя́тию.

НА ЛИТУРГИИ

Блаженны Октѣиха на 4. И Анфима песнь 3 на 4. Прокимен, глас 7: Честна́ пред Господем// смерть преподо́бных Егѡ. Стих: Что воздамъ Господеви о всех, яже воздаде ми? Апѡстол ко Евре́ем, зачало 334. Аллилу́ия, глас 2: Священни́цы Твоѣ облекѹтся в правду: Стих: Блаженъ муж, бойся Господа: Евангелие от Ио́анна, зачало 36. Прича́стен: В па́мь вѣчную:

Священномученик Анфим, епископ Никомидийский, и с ним мученики Феофил диакон, Дорофей, Мардоний, Мигдоний, Петр, Индис, Горгоний, Зинов, Домна дева и Евфимий пострадали за Христа в 302 году, во время гонения на христиан от императоров Диоклитиана и Максимиана.

Святой епископ Анфим управлял Никомидийской церковью в то тяжелое время гонений. Преследование христиан особенно усилилось после пожара, случившегося в никомидийском царском дворце, поскольку вину за этот несчастный случай возложили на христиан, обвинив их в поджоге. В одной только Никомидии в день Рождества Христова было сожжено в храме до 20 тысяч молящихся. Тогда многие христиане явили образец твердого исповедания веры и бестрепетно приняли муки за Христа. Так, святому диакону Феофилу были отрезаны уши, а затем он был побит камнями, святой Дорофей был усечен мечом, святой Мардоний сожжен, святой Мигдоний живым засыпан землей, святые Петр, Индис и Горгоний утоплены в море; святой Зинов, воин, смело обличавший царя Максимиана за его злочество, был побит камнями и затем обезглавлен; Домна дева, бывшая жрица языческих богов, и святой Евфимий, погребавшие тела святых мучеников и мужественно

исповедавшие веру во Христа, были усечены мечом.

Епископ Анфим в это время скрывался недалеко от Никомидии. Он рассылал оттуда увещания, укрепляя в своей пастве твердость веры и призывая христиан не страшиться мучений. Одно из его писем, посланное с диаконом Феофилом, было перехвачено и представлено Максимиану. От диакона Феофила потребовали открыть местопребывание епископа, однако Феофил наотрез отказался предать святого Анфима. Тогда его подвергли пыткам и умертвили.

Узнав наконец, где скрывается святой Анфим, Максимиан послал за ним отряд воинов, которые на пути встретили самого Анфима. На их вопрос, может ли он указать им, где скрывается епископ, неузнанный святой Анфим ответил утвердительно и привел их в свое жилище, оказав им теплое гостеприимство. После этого он открыл пораженным воинам, что он и есть тот, за кем они посланы. Потрясенные его самоотверженностью, воины советовали ему скрыться. Но святой Анфим не согласился. Соприкоснувшись с проявлением истинно христианского мужества, все воины просили святого совершить над ними таинство Крещения. Святой епископ Анфим был подвергнут истязаниям и, наконец, с радостью преклонил голову под меч. Тело его было тайно погребено христианами.



**Блаженнаго Иоанна Милостиваго Власатаго,
Ростовскаго чудотворца**

НА ВЕЛИЦЕЙ ВЕЧЕРНИ

Блажен муж: 1-й антифён.

На Господи, воззвах: стихиры, глас 8.

Подобен: О, преславнаго чудесе:

Блаженне Иоанне богомудре, / чистая твоя душа /
правовёрным смыслом сияючи / и блистаючи
добродетелей светлостью, / озаряет верных исполне-
ние, / бесовскую тьму отгоняючи, / темже яко причаст-
ника ты невечерней благодати / ублажаем благочестно
все, // досточудне.

Имѣя душу милостиву, / и чист помысл, и сердце
бодро, / веру неблазненну / и любовь воистину нели-
цемерну, / от земли преставился еси к Небесным / и с
лики праведных водворяешься. / Темже ты почитаем
священными песнями / и благочестно все славим, //
досточудне Иоанне.

Божественными учении укрепляясь, / страсти плот-
ския от души отгнал еси / и Святѣй Троице селение
предочищенное был еси. / Тем к Божественней жизни
преставился еси, / Богу соблюдающе и ныне / невредимо
твое блаженное тело / Божественным судом, // имже
Сам вестъ, прославляяй ты яве, Иоанне.

Слава, глас 1:

Како не дивимся житию твоему / или како не похва-
лим, преподобне Иоанне, житие равноангельное, /
помысла целомудренное / и кротости твоея смирен-
ное и молчаливое, / милостыни неоскудное? / Всеми
добродетельми украсился еси, блаженне. / Темже
тебе ожидает неизглаголанная радость // и Небесное
Царствие.

И ныне, Богородичен, глас тойже: В семирную славу:

Вход. Прокімен дне и чтѣния 3 преподобническая.

Премудрости Соломоновы чтѣние: Прáведных дѹши в руцѣ Божіей: Премудрости Соломоновы чтѣние: Прáведницы во вѣки живѹт: Премудрости Соломоновы чтѣние: Прáведник, áще постѣгнет скончáтися, в покое бѹдет: (зри страницы 272–273).

На литіи стихіры, глас 1:

Подобен: Небесных чинов:

Настá, богонóсе,/ со́лнца светлѣйший твой прáздник,/ озаряет приходя́щия к тебе вѣрою/ и безсмѣртием облагоухáет,/ и душáм источáет исцелѣния, Иоáнне преподобне,// моли́твенниче о душáх нáших.

Чѹвственныя стрáсти телесныя/ победѣв воздержáния браздáми, чудодѣйственниче Иоáнне,/ и рѣвности безплóтных на землі показáв,/ вся плотскáя желáния дѹху повинѹл еси́,/ тем ны́не, в Небесных селѣниих водворя́ся,// моли́ о душáх нáших.

Процвѣл еси́, я́ко фѣникс, Давѣдски, óтче,/ обѣтель явился еси́ Дѹха Пресвята́го/ и сла́вен вселѣнней показáвся./ О нас непрестáнно моли́,/ почита́ющих вѣрою// пречестнѹю пáмять твою́, преподобне.

Сла́ва, глас 2:

Преподобне óтче,/ измла́да добродѣтели прилѣжно обучѣвся, оргáн был еси́ Свята́го Дѹха/ и, от Него́ при́йм чудес дѣйство,/ увещáл еси́ челове́ки преобѣдети сла́дкая./ Ны́не же Божѣственным Свѣтом чистѣйше осия́ваем,// просветѣи и нáша мы́сли, Иоáнне, óтче наш.

И ны́не, Богорóдичен, глас то́йже:

Все упováние моѣ на Тя возлагаю́,/ Мáти Божія,// сохрани́ мя под крóвом Твоѣм.

На стихóвне стихіры, глас 2.

Подобен: Дóме Евфрафов:

Дом и жили́ще/ Дѹха Пресвята́го,/ премудре Иоáнне, был еси́./ Тѣмже и нас дóмы Того́ содѣлай,// святѹю твою́ пáмять почита́ющих.

Стих: Возвеселѣтся прáведник о Гóсподе// и упováет на Него́.

Жити́е твоё, яко со́лнце, / в сердца́х ве́рных возсия́, / чудеса́ испуща́я, / те́мже и нас све́том невече́рним озари́, // всечестну́ю твою́ па́мять почита́ющих.

Стих: Пра́ведник, яко фи́никс, процветёт, // яко кедр, иже в Лива́не, умно́жится.

Не преста́й моля́ся, Иоа́нне, / о любо́вию чту́щих тя / и твоего́ предста́тельства прося́щих, / да вси честное́ твоё пра́зднество, // веселя́щися, почита́ем.

Сла́ва, глас 4:

Земный́ А́нгел и Небе́сный челове́к / яви́лся еси́, преблаже́нне, / исто́чник умиле́ния, ми́лости пото́к, / пучи́на чудес, стру́я исцелений́, / Иоа́нне досто́чудне, / ма́слина Бо́жия, вои́стину плодови́та, / елее́м трудо́в твои́х умаща́я ве́рою тя хва́лящих / и моля́ Человеколю́бца / от бед изба́вити // любо́вию чту́щих всечестну́ю па́мять твою́.

И ны́не, Богоро́дичен, глас то́йже: При́зри на моле́ния:

Тропа́рь, глас 8:

Яви́лся еси́ во гра́де, яко в пусты́ни, / в смиренно́-му́дрии, чистоте́ и в трудо́х, и по́двизех, и в терпе́нии мно́зе, преблаже́нне о́тче Иоа́нне. / Взем бо Крест Христо́в, послéдова Ему́ / и бе в моли́твах и псалмо́пении иноязы́чнаго рече́ния день и но́щь / о спасе́нии всего́ ми́ра христиа́нскаго, / и пресели́лся еси́ к Невече́рнему Све́ту. / Ны́не же ко грóбу твоему́ ве́рнии приходя́щии, / моля́щися Го́сподеви, Богоро́дице и Предте́чи, прие́млют исцеления́ моли́твами твои́ми. / Но при́сно за ны моли́ся, блаже́нне о́тче Иоа́нне, // спасти́ся душа́м на́шим.

Ин тропа́рь, глас 4:

Яви́лся еси́ во гра́де, яко в пусты́ни, / смиренному́д-рием и чистото́ю / и, взем Крест Христо́в, послéдова Ему́ / в трудо́х и по́двизех и в терпе́нии мно́зе, преблаже́нне о́тче Иоа́нне. / И ны́не моли́ о нас, соверша́ющих па́мять твою́ / и усер́дно притека́ющих к ра́це мощей твои́х, // изба́виться от бед и душа́м на́шим пода́ти ве́лию ми́лость.

Сла́ва, и ны́не, Богоро́дичен.

НА УТРЕНИ

На Бог Господь: тропарь святого дважды. Слава, и ныне, Богородичен.

По 1-м стихословии седален, глас 5:

Твёрдаго адаманта и столпа, непоколебима вражими прилоги, / богонбснаго Иоанна псньми почтим. / Терпением бо воистину посрамив прилоги сопротивнаго врага и без вести его сотворивша, / и ныне молился о спасении душ наших.

Слава, и ныне, Богородичен:

Ужасно чудо зачатия и несказанен образ Рождества / в Тебе познася, Чистая Приснодево, / ужасает мой ум и удивляет помысл. / Слава Твоя, Богородице, всем простресь / во спасение душ наших.

По 2-м стихословии седален, глас 5:

Постника Господня псньми почтим, / яко умертвивша вся прилоги страстей / воздержанием и твёрдым терпением воистину, / и посрамивша зело противоборца врага и всю его гордыню, / и ныне молящаяся ко Господу, помилуютися душам нашим.

Слава, и ныне, Богородичен:

Предстательнице неборимая оскорбляемых / и тёплое заступление уповающих на Тя, / от бед мя избави: / Ты бо еси всех Помощница.

По полиелее седален, глас 1:

Погребл еси страстей все востание / умерщвлением плоти, священный отче, / и жизнь безконечную по смерти приял еси. / Тёмже днесь Христова Церковь празднует твою досточудную память, / преподобных украшение.

Слава, и ныне, Богородичен:

Тебе величаем, Богородице, вопиюще: / Ты едина Благословенная, / из Тебе бо неизреченно родися Христос Бог наш.

Степенна, 1-й антифон 4-го гласа. Прокимен, глас 4: Возвеселится праведник о Господе // и уповает на Него. Стих: Услыши, Боже, глас мой, вегда молитимися к Тебе. Евангелие от Матфея, зачало 43.

По 50-м псалмѣ стихіра, глас 8:

Человѣче Божій, Иоанне чудный, / ты ўбо, восшѣд на лѣствицу добродѣтелей, / по ней возшѣл еси к горнему Иерусалиму / и тамо узрѣл еси желаемога Христа, / Егѡже ради плоть твою изнурил еси / и тѣло мѣртвенное на безсмертную жизнь изменил еси. / О нас непрестанно молися // даровати душам нашим мир и велию милость.

Канѡн Богородицы на 6 и святаго на 8, глас 4.

Песнь 1

Ирмос: Моря чермную пучину:

Творче всея твари, Преблагий Господи Иисусе Христе, Боже наш, / явил еси нам, рабом Твоим, сего блаженнаго Иоанна, помнящим и слышавшим его, / иже ныне, ради Твоего святаго имени и Пречистой Богородицы и Предтечи Иоанна / ко гробу его приходяще, приемлют исцеления, / тем Твое человеколюбное смотрение славим и молим Тя: / спаси нас, Господи.

Милостивому Богу на земли подобен был еси, отче Иоанне, / правоверным смыслом оставль отечество свое, прииде во град, яко в пустыню. / И, яко царскою багрянницею и вѣссом, власяницею одеаяся, отче, / и венцем терпения с пострадавшими увязеся, / моли Христа Бога о всех нас.

Отче Иоанне блаженне, / ко Христу веру неблазненну имей, чист помысл и любовь нелицемерну, / терпением же твоим и смиренномудрием / причастника ты невечерней благодати благочестно славим.

Богородичен: Родивыйся от Девы, Христе Боже, и мир просветивый от исления, / избави и мене, окаяннаго, Богородицы ради и всех святых Твоих / от прегрешений моих.

Катавасія: Крест начертав:

Песнь 3

Ирмос: Веселится о Тебе Церковь Твоя:

Христа Бога в сердце своем восприял еси, отче Иоанне, / и Престола Божия достигл еси, / Пресвятую Троицу непрестанно зрети сподобился еси. / Молим тя: испроси подати православным христианом здравие, /

на врагѣ одолѣние и міру умирѣние, земли благоплѣдіе/ и душамъ нашимъ спасѣние.

Имѣя, ѡтче Иоанне, дѹшу чѣсту и мѣлостиву и сѣрдце бѡдро,/ тем вселѣние во дворѣ овѣцъ Христѡвыхъ и путь предочищенъ обрѣт к Пресвятѣй Трѡице,/ к вѣчному животу приближился еси, и нас спаси молитвами твоими.

Пресвятому Дѹху на земли был еси жилище, блаженне Иоанне,/ ныне же на Небесѣхъ предстоиши Господеву./ Темже молимъ тя:/ и нас Святому Дѹху домъ соделаи молитвами твоими, чтущихъ тя.

Богородичен: Родительнице безмужная, Мати Христа Бога, Дѣво Маріе,/ молимъ Тя, Госпоже:/ спаси рабы Твоя от всехъ зол.

Ин кондакъ, гласъ 2:

Христовою любовію уязвѣвся, ѡтче Иоанне блаженне,/ вышнія красоты желая,/ земная же вся презре и ни во чтоже вмени,/ и на земли ангельское житіе имѣя,/ преселился еси в вѣчный покой,/ идеже, предстои Христу Богу,/ моли спасти нас и всему христіанскому роду, яко да зовемъ ти:// радуйся, преблаженне ѡтче Иоанне.

Седален: Твърдаго адаманта: писанъ по 1-мъ стихословіи. Слава, и ныне, Богородичен.

Песнь 4

Ирмос: Вознесѣнна Тя видевши:

Лучезарными светлостми Пресвятія Трѡицы просиял еси, ѡтче Иоанне,/ яко маслина плодовита в дому Божіи, елемъ трудовъ твоихъ./ И ныне, в неизглаголанней радости пребывая,/ посещай нас молитвами твоими, чтущихъ тя.

Богомудре ѡтче Иоанне,/ чистая твоя душа с лики святыхъ на Небесѣхъ предстоитъ Христу Богу, радуясь./ Темже мы святую твою память пѣснями почитаемъ и молимъ тя спасти нас.

Житіе твое на земли, блаженне Иоанне, яко солнце возсия,/ ныне же, на Небесѣхъ предстои Господеву, молиши за ны./ Зде же от грѡба твоего чудесъ лучи, исцелѣнія приѣмлюще, молимъ тя:/ просвети нас Невечернимъ Свѣтомъ, молитвами твоими.

Богорóдичен: Я́ко зачѣнши Превѣчное из Безначальнаго Отца́ Слово, / плóтию рóждши пáче слова, Дѣво Мáти, Превѣчнаго Бóга, / Того́ моли́ спаст́ся рабóм Тво́йм.

Песнь 5

Ирмóс: Ты, Гóсподи, мой Свет:

Светíло пресвѣтлое от Бóга возсия́л еси́, óтче Иоáнне, в преименíтом гра́де Ростóве / и в добродѣтельных свѣтлостех чудесы́ просия́л еси́. / Тѣмже ты прославля́ем, пáмять твою́ почита́юще.

Яв́ился еси́ во гра́де Ростóве земный́ А́нгел и Небесный́ человек, / подав́ая всем истóчник благочѣстия и мýлости, / по преставлѣнии же дáруя душáм нáшим спасѣние и телесѣм исцелѣние.

Кóе похвалѣние принесѣм ти, честный́ óтче Иоáнне, / видя́ще и слы́шаще блаженное твоѣ житиѣ и терпѣние? / Я́ко и ны́не, приходя́ще к тебѣ, приѣмлем неоскóдно исцелѣние и здрав́ие, / и что ти воздáмы, не вѣмы, но тóкмо глагóлем: / дивен Бог во святых Сво́их, творя́й чудеса́ Ед́ин.

Богорóдичен: Всесвятáя Богорóдице, / во врѣмя животá моего́ не оста́ви мене́, / человекóскому предстáтельству не ввѣри мя, / но Самá заступ́и и помýлуй мя.

Песнь 6

Ирмóс: Пожру́ Ти со гла́сом:

Богомýдре и всеблаженне Иоáнне, / смиренномýдрием, терпѣнием и пóдвиги возжелѣл еси́ Небеснаго Цáрствия. / Ны́не же, предсто́я со все́ми святы́ми Царѣви Сýлам, / моли́ спаст́ся рабóм тво́йм.

Богáтства Небеснаго возжелáл еси́, земнóю слáву и богáтство ни во чтóже вмени́в, / обрѣт Цáрство Небесное, нетлѣнным и вѣчным богáтством обогат́ился еси́, / и нас спаси́ моли́твами тво́ими от всех зол.

Посóбием и вселѣнием в тя Пресвятáго Дýха, óтче Иоáнне, / на земл́и терпѣнием побежда́я бесóвския полкы́, / обрѣл еси́ венѣц нетлѣнный от Христа́ Бóга и Спáса душ нáших. / Моли́ спаст́ся рабóм тво́йм.

Богорóдичен: Поѣм Тя, Дѣво, Богомáти Ч́истая, Мар́иѣ, / пáче рождества́ Твоѣ богóмужное Рождество́ и нетлѣнную чистотóу, / íбо сочетáся дѣвство и рождество́.

Конда́к, глас 8:

Христовою любовью уязвився, отче Иоанне блаженне,/ вышняя красоты желая, земная же вся презре и ни во чтоже вмени;/ и на земли ангельское житие препроводи, в вечный покой достиже,/ идеже глас празднующих, с нимиже молися за ны// и душам нашим прощение и телесем исцеление даруй.

И́кос:

Ка́ко возмогу аз, окаянный, воспети равноангельное житие твое на земли:/ целомудрие, терпение и теплую яже ко Христу любовь?/ По отшествии же твоём к Богу/ с верою приходящим ко гробу твоему подаеши исцеления./ И что ти принесем? Точию молим тя и сице вопием:/ радуйся, честный отче наш Иоанне блаженне,/ ты бо еси граду нашему похвала и утверждение,/ болящим исцеление и душам нашим спасение.

Песнь 7**Ирмос: В пещи авраамстии:**

Светло сияющим спасительным богатством на земли обогатился еси, блаженне отче Иоанне,/ вселился в божественный град Ростов и причтился еси с лики праведных в вечное радование./ Молися за ны, поющая:/ благословен Бог отец наших.

Божественными велении и учении одеаяся в смысл безстрастный и молитвенный,/ вниде во двор овец Пастыря Небеснаго,/ идеже лица святых веселящеся поют:/ благословен Бог отец наших.

Дивен еси, Боже наш,/ яко и кости наши действуют в мире чудеса и подают исцеления,/ да благословим Господа, поюще:/ благословен Бог отец наших.

Богородичен: Безневестная Чистая браконейская Дево, Мати Христа Бога,/ моли Того о спасении поющих:/ благословен Бог отец наших.

Песнь 8**Ирмос: Руце распростер, Даниил:**

Благим смиренномудрием твоим ум свой простирая к Вышнему,/ Божественным призыванием вниде в радость Господа своего,/ хваля и благословя Христа во веки.

Мольба́ми тво́ими и благоду́шным терпе́нием, ду́шу твою́ и те́ло очисти́в от вся́кия скве́рны,/ обрел еси́ ве́чный по́кой,/ иде́же е́сть жили́ще весе́лящихся и сла́влящих Христа́ во ве́ки.

После́довал еси́, о́тче, о́тцем, Иоáнне блаже́нне,/ и́же Христа́ ра́ди на земли́ мно́ги ско́рби претерпе́вый и Божество́нная веления́ вся соверши́вый./ Ты бо тле́нная вся мудрова́ния от себѣ отвѣргл еси́,/ тем Небе́сное Ца́рство насле́дова во ве́ки.

Богоро́дичен: Я́ко Цари́цу, Царя́, всех Бо́га, Ро́ждшую,/ ве́рнии, со Арха́нгелом Благосло́венную возве́личим Ма́терь Бо́жию:/ ра́дуйся, Ма́ти Творца́ тва́ри.

Песнь 9

Ирмо́с: *Ка́мень неруко́сечный:*

Рана́ми и наруга́нием от бесо́в и лука́вых чело́век, моли́твенным терпе́нием сво́им/ вра́жия полки́ побежда́я по́мощию Свята́го Ду́ха,/ всели́лся еси́ к Невече́рнему Све́ту Бо́жия благода́ти./ Тем тя, хва́ляще, ублажа́ем.

Посреде́ ми́ра живы́й и вся стрѣлы лука́ваго диа́вола сокруши́в,/ моли́твами тво́ими дости́гл еси́ го́рняго Иерусали́ма,/ предсто́я Христу́ Бо́гу за чту́ция тя.

Мо́лим тя, блаже́нне Иоáнне,/ моли́ Христа́ Бо́га, и Пречи́стую Богоро́дицу, и Предте́чу Иоáнна, и всех святы́х/ пода́ти правосла́вным христиа́ном здра́вие и побѣду на вся ви́димыя и неви́димыя враги́/ и жела́ние о исполне́нии соверше́нства во ве́ки веко́в.

Богоро́дичен: И́же нас ра́ди ро́ждейся от Де́вы, Христе́ Бо́же,/ и за ны распны́йся, и сме́ртию сме́рть разруши́вый,/ моли́твами Богоро́дицы и всех святы́х поми́луй и спаси́ нас.

Свети́лен:

Процвѣл еси́, я́ко фи́никс, Дави́дски, о́тче,/ и оби́тель яви́лся еси́ Ду́ха Пресвята́го,/ и сла́вна ты вселе́ней пока́за./ О нас непреста́нно моли́, почита́ющих ве́рою пречестну́ю па́мять твою́, // преподо́бне Иоáнне.

Сла́ва, и ны́не, Богоро́дичен:

От Бо́га ми́рови по́данных благих Ты вина́ была́ еси́, Богоро́дице,/ но и ны́не моли́ о о́бщем спасе́нии благопреме́ннаго Бо́га.

На хвалітех стихіры, глас 4.

Подобен: Дал есі знамение:

Дал есі прітчү терпѣнія и мѹжества,/ Преблагій Гóсподи,/ праведнаго Иоáнна и многочудѣснаго,/ добродѣтелями и словесы/ и дѣлы сияюща,/ целомѹдрием украшаема и крóтостію./ Тем Твое неизречѣнное строѣние сла́вим,/ Иисѹсе Всесильне// и Спасе душ наших.

Праведен и незлóбив,/ истинен же и непорóчен и вѣрен,/ уклоняся от всякія злóбныя вѣщи,/ показáлся есі, Иоáнне блажѣнне,/ просвещѣн добродѣтелями/ и благочѣстіем сияя./ Тем тя ублажа́ем/ и святóе твоѣ и честнóе днесь прázднуем успѣние,// радующесе, богомѹдре.

Целомѹдрием и благовѣрием,/ я́ко багрянницею многоцѣнною, одѣявся, Иоáнне,/ правдою же и крóтостію,/ я́ко Божѣственным венцѣм, увязлся есі,/ со страждущими Христá ради/ цáрствовати возжелѣл есі./ И ны́не Царю́ Сил предсто́йши,/ Иисѹсу Всеми́лостивому// и Спасу душ наших.

Сла́ва, глас 2:

Преподóбне óтче,/ из младѣнства добродѣтели прилѣжно обучився,/ о́рган был есі Свята́го Дѹха/ и, от Него́ приим чудѣс дѣйство,/ увещáл есі челове́ки преобидети сла́дкая./ Ны́не же Божѣственным Свѣтом чистѣйше осиява́ем,/ просвети́ и на́ша мы́сли,// Иоáнне, óтче наш.

И ны́не, Богорóдичен, глас то́йже:

Все упováние моѣ на Тя возлага́ю,/ Ма́ти Бóжия,// сохрани́ мя под крóвом Твоѣм.

Славослóвие вели́кое и отпу́ст.

НА ЛИТУРГІИ

Блажѣнны свята́го от канóна, пѣсни 3-я и 6-я. Прокі́мен, глас 7: Честна́ пред Гóсподем// смерть преподóбных Его́. Стих: Что возда́м Гóсподеву о всех, я́же воздаде́ ми? Апóстол к Галáтом, зачáло 213. Аллилу́ия, глас 6: Блажѣн муж, бойся Гóспода, в за́поведех Его́ восхощет зело́. Стих: Сильно на землі́ бѹдет се́мя его́, род правых благослові́тся. Ева́нгелие от Матфе́я, зачáло 10. Прича́стен: В па́мять вѣчную́ бѹдет праведник:



Блаженный Иоанн Ростовский Милостивый Власатый († 1580) подвизался в Ростове в подвиге юродства, терпя нужды и скорби. Он не имел постоянного пристанища и лишь

изредка отдыхал в доме своего духовника, священника Всехсвятской церкви, или у одной престарелой вдовицы. Живя в смирении, терпении и непрестанной молитве, он духовно окормлял многих людей, в том числе и преподобного Иринарха, затворника Ростовского (память 13 января). Блаженный всегда носил с собой и читал пергаменную Псалтирь, написанную на латинском языке. После долгих подвигов он скончался 3 сентября 1580 года и был погребен, по завещанию, подле церкви святого Власия, за алтарем.

Известны принадлежавшие блаженному большой кипарисовый крест и его Псалтирь на латинском языке. На гробнице его совершались благодатные исцеления. Он имел «власы на главе велики», почему и называется Власатым; известен он также и под именованием «Милостивый», присвоенным ему за те исцеления, которые получали верующие по молитвам при его гробнице, а также в память его тезоименитого святого — патриарха Александрийского Иоанна Милостивого (VII в., память 12 ноября), имя которого он носил.

